



NEGERI KEDAH DARUL AMAN

Warta Kerajaan

DITERBITKAN DENGAN KUASA

GOVERNMENT OF KEDAH DARUL AMAN GAZETTE

PUBLISHED BY AUTHORITY

Jil. 62
No. 6

14hb Mac 2019

*TAMBAHAN No. 3
PERUNDANGAN*

K. P.U. 4.

AKTA KERAJAAN TEMPATAN 1976

UNDANG-UNDANG KECIL VANDALISME
(PIHAK BERKUASA TEMPATAN NEGERI KEDAH) 2018

SUSUNAN UNDANG-UNDANG KECIL

BAHAGIAN I

PERMULAAN

Undang-undang kecil

1. Nama dan permulaan kuat kuasa
2. Pemakaian
3. Tafsiran

BAHAGIAN II

KESALAHAN VANDALISME

4. Kesalahan-kesalahan

Undang-undang kecil

5. Penalti
6. Kuasa menyita dan sebagainya
7. Pendakwaan
8. Mengkompaun kesalahan
9. Pembatalan dan peruntukan peralihan

P A M B

AKTA KERAJAAN TEMPATAN 1976

UNDANG-UNDANG KECIL VANDALISME
(PIHAK BERKUASA TEMPATAN NEGERI KEDAH) 2018

PADA menjalankan kuasa-kuasa yang diberikan oleh seksyen 102 Akta Kerajaan Tempatan 1976 [Akta 171], Pihak Berkuasa Tempatan Negeri Kedah membuat, dan menurut seksyen 103 Akta tersebut, Pihak Berkuasa Negeri mengesahkan Undang-undang Kecil yang berikut:

BAHAGIAN I

PERMULAAN

Nama dan permulaan kuat kuasa

1. (1) Undang-undang kecil ini bolehlah dinamakan **Undang-Undang Kecil Vandalisme (Pihak Berkuasa Tempatan Negeri Kedah) 2018**.

(2) Undang-Undang Kecil ini hendaklah mula berkuat kuasa pada tarikh ianya disiarkan dalam *Warta*.

Pemakaian

2. Undang-Undang Kecil ini hendaklah terpakai hanya bagi kawasan Pihak Berkuasa Tempatan Negeri Kedah.

Tafsiran

3. Dalam Undang-Undang Kecil ini melainkan jika konteksnya menghendaki makna yang lain—

“binatang” ertinya apa-apa jenis binatang termasuk burung, serangga dan hidupan air;

“harta Majlis” ertinya apa-apa harta alih atau harta tidak alih yang dipunyai, dibina, diuruskan, disewa atau diselenggara oleh Majlis yang terletak atau yang ada di dalam, di bawah atau mana-mana tempat awam atau tempat persendirian di dalam kawasan Majlis dan apa-apa harta mana-mana pihak atau orang yang berkontrak dengan Majlis yang digunakan bagi maksud memenuhi atau melaksanakan kontrak itu termasuklah apa-apa kerja yang dijalankan oleh Majlis dan mana-mana binatang, pokok, tumbuh-tumbuhan, rumput, sungai, tasik dan anak sungai yang di bawah penjagaan dan kawalan Majlis;

“kerja” ertinya mana-mana kerja yang dijalankan oleh Majlis atau mana-mana orang yang dilantik oleh Majlis di bawah mana-mana undang-undang bertulis yang ada di dalam, di bawah atau di atas mana-mana tempat awam atau persendirian di dalam kawasan Majlis;

“Majlis” ertinya Majlis Bandaraya, Majlis Perbandaran, Majlis Daerah dan Pihak Berkuasa Tempatan Taman Perindustrian Hi-Tech Kulim;

“Datuk Bandar” ertinya Datuk Bandar Majlis Bandaraya Alor Setar dan termasuklah Timbalan Datuk Bandar;

“Yang Dipertua” ertinya orang yang pada masa itu menjalankan kewajipan-kewajipan jawatan Yang Dipertua dan termasuklah Timbalan Yang Dipertua;

“Pegawai Yang Diberi Kuasa” ertinya mana-mana pegawai yang diberi kuasa secara bertulis oleh Datuk Bandar atau Yang Dipertua;

“Setiausaha” ertinya Setiausaha kepada Majlis;

“tempat awam” mempunyai erti yang sama seperti dalam Akta Kerajaan Tempatan 1976 [*Akta 171*]; dan

“tempat persendirian” ertinya mana-mana tempat selain tempat awam.

BAHAGIAN II

KESALAHAN VANDALISME

Kesalahan-kesalahan

4. (1) Tiada seseorang pun boleh, melainkan jika kebenaran atau kuasa baginya diberi secara bertulis oleh Majlis—

- (a) menulis, melukis, mengecat, menyembur, menanda, mencakar, mencalar atau mengukir apa-apa perkataan slogan, karikatur, simbol atau apa-apa jua pun di atas harta Majlis;
- (b) memasang, melekat, menampal, menunjukkan atau mempamerkan apa-apa poster, pelekat, iklan, surat tempelan, notis, kertas atau apa-apa dokumen di atas harta Majlis;
- (c) menggantung, menyangkut, menaikkan, melekatkan atau mempamerkan apa-apa bendera, panji-panji hiasan, panji-panji bendera, banting, sepanduk atau yang menyerupai dengan sesuatu slogan, karikatur, lukisan, simbol atau apa-apa perkataan lain di atas harta Majlis;
- (d) melakukan, mengikat, menyimpul atau merantai apa-apa benda ke atas harta Majlis;
- (e) mencuri, mengalih, mengganggu, mengusik, memindah, mencatitkan, merosakkan, melupuskan atau memusnahkan apa-apa harta Majlis;
- (f) membuat apa-apa ubahan kepada apa-apa harta Majlis;

- (g) mengalih, memindah, mengusik, mencacatkan, merosakkan atau memusnahkan apa-apa jua yang dipamerkan, digantung, didirikan, dilekatkan, dinaikkan atau disangkut oleh Majlis;
- (h) meludah, membuang air kecil atau membuang air besar di dalam atau di atas mana-mana harta Majlis kecuali di tempat yang disediakan bagi maksud itu;
- (i) mengotorkan atau mencemarkan air di mana-mana pancutan air, kolam renang, sungai, tasik atau anak tasik yang di bawah penjagaan dan kawalan Majlis;
- (j) memotong, menggali, mengalih, memetik, membantun, merosakkan atau memusnahkan mana-mana pokok atau tumbuh-tumbuhan, bunga, daun atau dahan mana-mana pokok atau tumbuh-tumbuhan atau rumput yang di bawah penjagaan dan kawalan Majlis;
- (k) mengorek, mengangkat, mengambus atau mengalih tanah dari mana-mana harta Majlis;
- (l) memerangkap, menangkap, mendera, membunuh, memberi makan atau mengganggu mana-mana binatang kepunyaan Majlis atau yang di bawah penjagaan dan kawalan Majlis atau mana-mana orang yang dilantik oleh Majlis;
- (m) menunggang, memandu, menolak atau menarik apa-apa kenderaan sama ada yang digerakkan secara mekanikal atau selainnya atau meluncur dengan papan selaju atau kasut beroda atau skuter atau apa-apa alat lain di atas mana-mana harta Majlis yang bukan dibenarkan bagi maksud itu; atau
- (n) melakukan apa-apa perbuatan yang boleh menyebabkan kerosakan kepada harta Majlis.

(2) Apa-apa tindakan yang diambil oleh Datuk Bandar atau Yang Dipertua atau mana-mana pegawai Majlis yang diberi kuasa secara bertulis oleh Majlis di bawah perenggan (1) tidak boleh ditafsirkan sebagai menghalang mana-mana orang daripada dikenakan pendakwaan bagi apa-apa kesalahan terhadap mana-mana peruntukan Undang-Undang Kecil ini.

Penalti

5. Mana-mana orang yang melakukan mana-mana perbuatan vandalisme yang tersebut dalam perenggan 4(1) atau cuba melakukan mana-mana perbuatan itu atau menyebabkan mana-mana perbuatan itu dilakukan adalah melakukan kesalahan dan apabila disabitkan boleh didenda tidak melebihi dua ribu ringgit atau dipenjara selama satu tempoh yang tidak melebihi satu tahun atau denda dan penjara itu kedua-duanya dan mengenai kesalahan yang berterusan boleh selanjutnya didenda tidak melebihi dua ratus ringgit bagi setiap hari selama tempoh kesalahan itu diteruskan selepas sabitan.

Kuasa menyita dan sebagainya

6. Datuk Bandar atau Yang Dipertua atau mana-mana pegawai Majlis yang diberi kuasa secara bertulis oleh Majlis boleh—

- (a) menyita, mencabut buang atau mengalih apa-apa benda yang didapati tergantung, dinaikkan, ditampal, diikat, disimpul, dirantai, dipaku, dilekatkan, disangkut, dipamerkan atau dipertunjukkan di atas mana-mana harta Majlis berlanggaran dengan mana-mana peruntukan Undang-Undang Kecil ini; dan
- (b) memadam apa-apa tulisan, gambar, lukisan, tanda cakaran, calar atau ukiran yang dibuat oleh mana-mana orang berlanggaran dengan mana-mana peruntukan Undang-Undang Kecil ini.

Pendakwaan

7. Tiada pendakwaan boleh dimulakan terhadap kesalahan di bawah Undang-undang Kecil ini kecuali atau dengan keizinan Pendakwa Raya.

Mengkompaun kesalahan

8. (1) Mana-mana kesalahan di bawah Undang-undang Kecil ini boleh dikompaun oleh Datuk Bandar atau Yang Dipertua atau pegawai yang diberi kuasa.

(2) Jumlah wang yang boleh dikutip bagi mengkompaun kesalahan di bawah Undang-undang Kecil ini tidak boleh melebihi tiga ratus ringgit.

Pembatalan dan peruntukan peralihan


9. (1) Undang-undang Kecil yang berikut dibatalkan:

- (a) Undang-Undang Kecil Vandalisme (Majlis Perbandaran Kota Setar) 1991 [K.P.U 21/1991];
- (b) Undang-Undang Kecil Vandalisme (Majlis Daerah Langkawi) 1995 [K.P.U 7/1995];
- (c) Undang-Undang Kecil Vandalisme (Majlis Daerah Kulim) 1994 [K.P.U 16/1995];
- (d) Undang-undang Kecil Vandalisme (Majlis Daerah Baling) 1994 [K.P.U 18/1995];
- (e) Undang-Undang Kecil Vandalisme (Majlis Perbandaran Sungai Petani Kedah) 1995 [K.P.U 14/1996];
- (f) Undang-Undang Kecil Vandalisme (Pihak Berkuasa Tempatan Taman Perindustrian Hi-Tech Kulim) 1996 [K.P.U 10/1997]; dan

(g) Undang-undang Kecil Vandalisme (Majlis Daerah Kubang Pasu) 2003 [K.P.U 4/2003].


(2) Apa-apa notis, perintah, kompaun, lesen atau dokumen yang dibuat atau dikeluarkan di bawah Undang-undang Kecil yang dibatalkan hendaklah disifatkan telah dibuat atau dikeluarkan di bawah Undang-undang Kecil ini dan hendaklah terus berkuat kuasa sehingga dibatalkan.

Diperbuat oleh Pihak Berkuasa Tempatan di Negeri Kedah seperti berikut:




.....
Dato' Haji Mohd Zohdi bin Saad
Datuk Bandar
Majlis Bandaraya Alor Setar

Tarikh: 10 September 2017



.....
Norizan bin Khazali
Yang Dipertua
Majlis Perbandaran Sungai Petani

Tarikh: 29 Oktober 2017



.....
Haji Rohaizad bin Rashid
Yang Dipertua
Majlis Perbandaran Kulim

Tarikh: 29 Oktober 2017



.....
Haji Abdul Bari bin Abdullah
Yang Dipertua
Majlis Perbandaran Langkawi

Tarikh: 7 Mac 2018



.....
Mohd Fisol bin Md Noh
Yang Dipertua
Majlis Daerah Kubang Pasu

Tarikh: 27 September 2017



.....
Datuk Md Shuhaime bin
Abdul Rahman
Yang Dipertua
Majlis Daerah Baling

Tarikh: 27 September 2017



.....
Haji Mohd Yusri bin Hj. Md Daud
Yang Dipertua
Majlis Daerah Yan

Tarikh: 31 Oktober 2017



.....
Zaid bin Ahmad
Yang Dipertua
Majlis Daerah Pendang

Tarikh: 26 Oktober 2017



.....
Dato' Nawadzir binti Hj. Abdul Ghani
Yang Dipertua
Majlis Daerah Sik

Tarikh: 1 Oktober 2017



.....
Haji Fathullah Suhaimi bin
Haji Ismail
Yang Dipertua
Majlis Daerah Padang Terap

Tarikh: 26 September 2017



.....
Haji Mohd Fauzi bin Mustaffa
Yang Dipertua
Majlis Daerah Bandar Baharu

Tarikh: 1 Oktober 2017



.....
Syed Khairol Anuar bin
Syed Abidin
Yang Dipertua
Pihak Berkuasa Tempatan
Taman Perindustrian Hi-Tech Kulim

Tarikh: 30 Oktober 2017

Disahkan oleh Majlis Mesyuarat Kerajaan Negeri Kedah Darul Aman
pada 30 Januari 2019.
[PSU(K) 98/-1396 SK 34(34)]

HAI IQBAL BIN AHMAD
Setiausaha
Majlis Mesyuarat Kerajaan Negeri
Kedah Darul Aman